



## Općinski načelnik

Broj: 01-04-15-6401-6/24  
Busovača, 06.02.2025. godine

Općinski načelnik, na osnovu člana 70. stav 1., 3. i 6. i člana 72. stav 3. tačka a) Zakona o javnim nabavkama BiH («Službeni glasnik BiH», broj: 39/14, 59/22 i 50/24), člana 38. Statuta Općine Busovača – prečišćeni tekst («Službeni glasnik Općine Busovača», broj: 8/13), u postupku javne nabavke po konkurentskom zahtjevu za nabavku robe – Nabavka opreme za rad sanga zaštite i spašavanje Općine Busovača **d o n o s i**

### ODLUKU

#### o dodjeli ugovora drugorangiranom ponuđaču

1. U konkurentskom postupku za nabavku robe – Nabavka opreme za rad sanga zaštite i spašavanje Općine Busovača dodjeljuje se ugovor drugorangiranom ponuđaču EURO VEZ D.O.O. Tešanj, ponuda, broj: 01-04-15-6401-3/24 od 08.01.2025.godine, za ponuđenu cijenu u iznosu od 28.600,00 KM bez PDV-a, odnosno u iznosu od 33.462,00 KM sa PDV-om.
2. Ponuđač iz tačke 1. ove Odluke je dužan dostaviti potpunu dokumentaciju iz člana 45. Zakona o javnim nabavkama navedene u tački 3.1.2 tenderske dokumentacije konkurentskog zahtjeva broj: 01-04-15-6401/24 u roku od 5 (pet) dana od dana prijema ove Odluke i dodjele ugovora.
3. Ponuđač iz tačke 1. ove Odluke je dužan dostaviti dokaz iz člana 46. Zakona o javnim nabavkama naveden u tački 3.2. tenderske dokumentacije broj: 01-04-15-6401/24 u roku od 5 (pet) dana od dana prijema Odluke o izboru najpovoljnijeg ponuđača i dodjeli ugovora – u originalu ili ovjerenoj kopiji.
4. Izabrani ponuđač iz tačke 1. ove Odluke dužan je da dostavi novi obrazac za cijenu ponude sa umanjenim jediničnim cijenama po poziciji za 38,03% (procent za koji je snižena cijena na e-aukciji).
5. Ugovor će se dostaviti na potpis izabranom ponuđaču u skladu sa članom 98. stav 4. Zakona o javnim nabavkama BiH.
6. Za izvršenje ove Odluke zadužuje se i ovlašćuje Služba za prostorno uređenje, urbanizam i stambene poslove, Služba za finansijske i trezor i Služba za civilnu zaštitu svako u okviru svojih ovlaštenja.
7. Ova Odluka stupa na snagu danom donošenja i objavit će se na web-stranici Općine Busovača [www.opcina-busovaca.com](http://www.opcina-busovaca.com), te istovremeno uputiti ponuđačima koji su učestvovali u postupku javne nabavke, u skladu sa Zakonom o javnim nabavkama.
8. Ovom Odlukom ukida se Odluka o izboru najpovoljnijeg ponuđača i dodjeli ugovora, broj: 01-04-15-6401-9/24 od 17.01.2025. godine.

#### Obrazloženje

Postupak javne nabavke robe – Nabavka opreme za rad sanga zaštite i spašavanje Općine Busovača pokrenut je Odlukom o pokretanju postupka javne nabavke, broj: 01-04-15-6401/24 od 16.12.2024. godine. Javna nabavka je provedena putem konkurentskog zahtjeva. Procijenjena vrijednost javne nabavke bez PDV-a je 46.150,00 KM.

Obavještenje o nabavci i tenderska dokumentacija su objavljeni na Portalu javnih nabavki AJN dana, 23.12.2024. godine, pod brojem: 1176-7-1-33-3-41/24. Sažetak obavještenja objavljen je u Službenom glasniku BiH, broj: 90/24 od 26.12.2024. godine. Tendersku dokumentaciju je sa Portala javnih nabavki preuzelo 23 ponuđača. Javno otvaranje ponuda zakazano je za dan, 08.01.2025.godine. Zapisnik o zaprimanju i otvaranju ponuda blagovremeno je dostavljen svim ponuđačima.

Komisija za javne nabavke dostavila je Općinskom načelniku Zapisnik o ocjeni ponuda, broj: 01-04-15-6401-3/24 od 16.01.2025. godine i Preporuku o izboru najpovoljnijeg ponuđača, broj: 01-04-15-6401-4/24 od 16.01.2025. godine, u predmetnom postupku javne nabavke.

U skladu sa naprijed navedenim, donesena je Odluka o izboru najpovoljnijeg ponuđača, broj: 01-04-15-6401-9/22 od 17.01.2025. godine, te je kao najpovoljniji ponuđač nakon provedene E-aukcije koja je održana 16.01.2025.g, izabran ponuđač SHS KAĆUNI D.O.O. Busovača za ponuđenu cijenu u iznosu od 27.700,00 KM bez PDV-a.

Izabrani ponuđač SHS KAĆUNI D.O.O. Busovača propustio je dostaviti dokumente iz člana 45. Zakona o javnim nabavkama navedene u tački 3.1.2 tenderske dokumentacije i dokaz iz člana 46. Zakona o javnim nabavkama naveden u tački 3.2. tenderske dokumentacije, a što je bio dužan izvršiti u roku od pet dana od prijema Odluke o izboru.

Članom 72. stav 3. tačka a) Zakona o javnim nabavkama propisano je da Ugovorni organ dostavlja predlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti da dostavi originale ili ovjerene kopije dokumentacije iz čl. 45. Zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ.

Ponuđač SHS KAĆUNI D.O.O. Busovača Odluku je zaprimio 27.01.2025. godine, te u roku od 5 (pet) dana nije dostavio traženu dokumentaciju.

Slijedom naprijed navedenog odlučeno je kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Općinskom načelniku u roku od deset (5) dana od dana prijema ove Odluke.

Dostaviti:

- 1.Ponuđačima 4x,
- 2.Sl.za finans. i trezor,
- 3.U spis,
- 4.a/a.
- 5.web stranica



OPĆINSKI NAČELNIK

Asim Mekić, dipl.ing